

BOSNA I HERCEGOVINA
BRČKO DISTRIKT BiH
T U Ž I L A Š T V O
BRČKO DISTRIKTA BiH

Broj: T18 0 KTRZ 0008821 14
Brčko, 23.12.2015. godine

OSNOVNI SUD
BRČKO DISTRIKT BIH

Na osnovu člana 35. stav 2. tačka z) i člana 226. st 1. Zakona o krivičnom postupku Brčko distrikta BiH, podižem:

O P T U Ž N I C U

Protiv:

AHMETBAŠIĆ MIRSADA, rođen 1955. godine u mjestu Palanka, opština Brčko,

Što je:

Za vrijeme oružanog sukoba u Bosni i Hercegovini, na teritoriji predratne opštine Brčko, suprotno pravilima Međunarodnog humanitarnog prava i odredbama člana 3. stav (1) tačka a) i c), i člana 13. III Ženevske konvencije o postupanju sa ratnim zarobljenicima od 12.08.1949. godine, suprotno pravilima Međunarodnog humanitarnog prava i odredbama člana 3. stav (1) tačka a) i c), i člana 27. IV Ženevske konvencije o zaštiti građanskih lica za vrijeme rata od 12.08.1949. godine i suprotno članu 4. stav (2) Dopunskog protokola uz Ženevske konvencije od 12.08.1949. godine o zaštiti žrtava nemeđunarodnih sukoba (Protokol II), kao pripadnik 108. brigade HVO za Bosansku Posavinu Armije R BiH, u više navrata sam ili kao saučesnik, vršio akte psihičkog i fizičkog zlostavljanja zatvorenih civilnih i vojnih lica srpske nacionalnosti koja je obezbeđivao kao stražar u logoru koji se nalazio u hladnjači rasadnika "Okrajci" koji je u mirnodopsko vrijeme bio u sastavu D.P. Šumarstvo "Majevica" Lopare, radna jedinica Brčko, u Gornjem Rahiću, pri tome nanoseći im teške duševne patnje, ponižavanja, povređivanja tjelesnog integriteta i zdravlja i povrede ličnog dostojanstva, pa je tako:

I) zajedno sa S.R. zvanim "...", S.N. zvanim "...", R.K. zvanim "...", i L.V. zvanim "...":

1. nakon što je P.A. kao civil lišen slobode na punktu na ulazu u mjesto Gornji Rahić dana 06.05.1992. godine sproveden je u logor Okrajci i zatvoren u prostoriju bez prozora i svjetlosti za privremeno lagerovanje mesnih proizvoda u hladnjači, a zadržan je do 29 juna 1992 godine, čije obezbeđenje je Ahmetbašić Mirsad vršio kao stražar naoružan i odjeven u policijsku uniformu i raspolagao je ključevima od prostorije u kojoj se sa P. nalazio zatvoren veći broj lica srpske nacionalnosti, da bi nakon nekoliko dana u toku noći u tu prostoriju Ahmetbašić otključao kada je došao T.A. u vojnoj maskirnoj uniformi, naoružan sa pištoljem i jednim uniformisanim licem sa oznakama "HOS", kada su p. A. i to lice odveli u upravnu zgradu u kojoj je bila smještena komanda u kojoj se nalazilo sedam do osam "HOS"-ovaca, među kojima se nalazio i S.R., koji mu naređuju da sjedne, nakon čega mu se T.A. obraća držeći jednu kapu na kojoj se nalazi slovo "U" i jedna mala šahovnica, a zatim T. uzima bombu pitajući P. "dali zna šta je to" i nakon toga mu pod noge baca bombu koja nije eksplodirala, što je bio znak za napad, nakon čega neko iz grupe P. udara nogom u glavu od kojeg udarca pada na pod, a iz nosa i usta mu je potekla krv u mlazu prskajući na sve strane, a u zlostavljanju i nanošenju udaraca pridružuju se ostali "HOS"-ovci koji su se nalazili iza A. leđa zadajući mu veći broj udaraca po leđima, da bi u jednom trenutku S.R. zv. "..." izvadio pištolj i krenuo prema A. sa uperenim pištoljem, u kom trenutku T. prilazi A. i izvodi ga iz prostorije, a u tom kretanju i u trenutku kada je bio već na hodniku sustiže ga S.R. i udara nogom u leđa od kojeg udarca pada na pločice, potom ga odvođe nazad u hladnjaču nakon čega Ahmetbašić zaključava vrata,

2. neutvrđenog dana u mjesecu maju oko 12.00 časova S.R. i T.A. zajedno su izveli P.A. iz prostorije gde je bio zatvoren, a koju je prethodno Ahmetbašić otključao, i doveli ga na travnjak do ivice staze koja vodi u komandu, gdje mu je R. naredio da legne, a kad je legao R. je izvadio nož, pritiska ga nogom i nož me stavio na vrat, usled čega se A. "izgubio" i doživio veliki stres, a nakon toga je vraćen u prostoriju koju je zaključao Ahmetbašić,

3. krajem maja jedne noći oko 22:00 časa, nakon što je Ahmetbašić otključao prostoriju u kojoj je bio zatvoren P. sa ostalim licima srpske nacionalnosti, P. A. je izveden u hodnik hladnjače gde su ga S.R. i R.H. skinuli golog ispod pasa pa u prisustvu grupe "hosovca" fizički ga zlostavljali na način da ga je R.S. nogom na kojoj je bila nazuvena vojnička čizma udario u predeo analnog otvora i završetka kičmenog stuba a R.H. ga je udario metalnom šipkom u predjelu gornjeg dijela leđa, dok su ga neki od

"hosovaca" plinskim upaljačem palili po dijelovima tijela i boli šipkama, nakon čega je vraćen u prostoriju koju je Ahmetbašić zaključao,

4. nakon što je S.M. 06.05.1992. godine lišen slobode kao civil u naselju Ciglane u Brčkom i nakon što je posle nekoliko dana ispitan u policiji u Gornjem Rahiću sproveden je u logor Okrajci i zatvoren u prostoriju bez prozora i svjetlosti za privremeno lagerovanje mesnih proizvoda u hladnjači a zadržan je do 29 juna 1992 godine, čije obezbeđenje je Ahmetbašić vršio kao stražar naoružan i odjeven u policijsku uniformu i koji je raspolagao ključevima od prostorije gdje se nalazio zatvoren veći broj lica srpske nacionalnosti, pa nakon što bi Ahmetbašić otključao prostoriju S.R. je izvodio M. 3-5 puta u kancelariju preko puta hladnjače radi ispitivanja "zašto si ovde", "šta tražiš", "ko te poslao" i dok je M. sjedio na stolici R. bi kružio oko njega, a kada bi dobio odgovor počeo bi ga iznenada udarati pesnicama po glavi, u predelu rebara i po drugim dijelovima tijela nanoseći mu povrede u vidu modrica i krvni podliva usled čega je M. trpio bolove više dana, a nakon završenog zlostavljanja vraćen je u prostoriju koju je Ahmetbašić zaključao,

5. dok je S. M. boravio u logoru zajedno sa ostalim licima, skoro svakodnevno u različito doba dana i noći, nakon što bi Ahmetbašić otključao prostoriju, S. R. nekad sam a nekad zajedno sa R.H., L. V. i S. N. ulazio je u prostoriju i M. i ostale dok su se nalazili u sjedećem položaju, nogama na kojima su bile obuvane čizme šutirao je u predelu glave i drugim dijelovima tijela i udarao pesnicama, a zlostavljanju su se pridruživali R., L. i S. kada bi došli sa S., a kad bi završili sa zlostavljanjem Ahmetbašić je zaključavao prostoriju,

6. nakon što je 09.05.1992. godine K. N. kao civilno lice doveden u logor Okrajci i zatvoren u kancelarijski prostor sa rešetkama na vratima i prozoru a zatim prebačen u prostoriju bez prozora i svjetlosti za privremeno lagerovanje mesnih proizvoda u hladnjači a zadržan je do 29 juna 1992 godine, čije obezbeđenje je Ahmetbašić vršio kao stražar naoružan i odjeven u policijsku uniformu i raspolagao je ključevima od prostorije gdje se nalazio zatvoren veći broj lica srpske nacionalnosti, skoro svakodnevno u različito doba dana i noći nakon što bi Ahmetbašić otključao prostoriju, S. R. nekad sam a nekad zajedno sa R. H., L. V. i S. N., ulazio je u prostoriju i N. udarao nogama i rukama u predelu glave-lica, stomaka i drugih dijelova tijela a od udaraca N. je padao na zemlju i tako je bio premlaćivan da nije mogao ustati a zlostavljanju su se pridruživali R., L. i S. kada bi došli sa S., a kad bi završili sa zlostavljanjem Ahmetbašić je zaključavao prostoriju,

7. nakon što je 12.05.1992. godine D.Z. zvani „....“ kao pripadnik Vojske Republike Srpske zarobljen u naselju IV juli u Brčkom sproveden je u logor Okrajci i zatvoren u prostoriju bez prozora i svjetlosti za privremeno lagerovanje mesnih proizvoda u hladnjači a zadržan je do 29 juna 1992 godine, čije obezbeđenje je Ahmetbašić vršio kao stražar naoružan i odjeven u policijsku uniformu i koji je raspolagao ključevima od prostorije gdje se nalazio zatvoren veći broj lica srpske nacionalnosti, a u toku njegovog boravka u logoru, nakon što bi Ahmetbašić otključao prostoriju, više puta su R. S., R. H., L. V. i S. N. ulazili u prostoriju tokom noći tukli i zlostavljali Z., a kad bi završili sa zlostavljanjem Ahmetbašić je zaključavao prostoriju, a jedne prilike nakon što je Ahmetbašić otključao vrata, Z. je izveden u upravnu zgradu gde mu je naređeno da klekne a potom su ga šutirali nogama i udarili po raznim dijelovima tijela, a kad je vraćen Ahmetbašić je zaključao prostoriju,

8. nakon što je 13.05.1992. godine R. M. kao civilno lice lišen slobode na punktu u selu Gornji Rahić sproveden je u logor Okrajci u prostoriju bez prozora i svjetlosti za privremeno lagerovanje mesnih proizvoda u hladnjači a zadržan je do 29 juna 1992 godine, čije obezbeđenje je vršio Ahmetbašić kao stražar naoružan i odjeven u policijsku uniformu i koji je raspolagao ključevima od prostorije gdje se nalazio zatvoren veći broj lica srpske nacionalnosti, pa u mjesecu maju, nakon što bi Ahmetbašić otključao prostoriju, u više navrata S. R. i R. H. lično su M. izvodili u hodnik hladnjače gde se nalazio veći broj naoružanih lica i tom prilikom ga psihički i fizički zlostavljali na način da su ga ubadali i sjekli nožem, S. R. ga je bušio svrdlom za drvo u predjelu desne bočne strane grudnog koša u visini zadnje pazušne linije, sa posebnom napravom pokušavali su da mu izvade lijevo oko, a R. H. nožem ga je ubo u lijevo stopal sa gornje strane između prvog i drugog prsta a potom u ranu stavio upaljenu cigaretu koju su izvadili nakon 24 sata i nanio mu je ubod između trećeg i četvrtog prsta, a jedanput prilikom zlostavljanja S.R. je M. nožem s jedne i druge strane zasjekao ušne školjke, a kad bi završili sa zlostavljanjem i kad bi R. bio vraćen, Ahmetbašić je zaključavao prostoriju,

9. nakon što je 15.05.1992. godine J. Lj. kao civilno lice sproveden je u logor Okrajci u prostoriju bez prozora i svjetlosti za privremeno lagerovanje mesnih proizvoda u hladnjači a zadržan je do 29 juna 1992 godine, čije obezbeđenje je Ahmetbašić vršio kao stražar naoružan i odjeven u policijsku uniformu i koji je raspolagao ključevima od prostorije gdje se nalazio zatvoren veći broj lica srpske nacionalnosti, i u toku njegovog boravka u logoru skoro svaki dan, nakon što bi Ahmetbašić otključao prostoriju, R. S. je zajedno sa R. H., L. V. i S. N. maltretirao i tukao J., a više puta su ga šutirali u predjelu polnog organa usled čega je trpio izuzetno jak bol, jedne prilike su

ga izveli u hodnik tražeći da sebi upaljenu cigaretu stavi u analni otvor i pošto to nije učinio zadali su mu jak udarac u predjelu rebra na lijevoj strani usled čega mu je slomljeno rebro, a skoro svako veče su ga tukli i psihički je zlostavljan na način da su ga tjerali da pjeva o Juri i Bobanu, laje i zavija kao vuk, a kad bi završili sa zlostavljanjem Ahmetbašić je zaključavao prostoriju,

10. nakon što je 03.06.1992. godine T. V. kao pripadnik Vojske Republike Srpske zarobljen u naselju Dizdaruša u Brčkom sproveden je do ugostiteljskog objekta "Panorama" gde ga je više lica pretuklo i oborilo na asfalt a među kojima su se nalazili S.R. i R. H., a potom je odveden u jednu prostoriju u objektu preduzeća "Biljana" u Maoči gdje je vezan ispitivan, tučen i zlostavljan od više lica među kojima su se takođe nalazili S. i R., da bi iz "Biljane" bio odveden u logor Okrajci gdje su ga u kancelariju za ispitivanje zlostavljali S.R., R. H., A.T. i G. H. koji je vršio ispitivanje, na način da su ga tukli, tjerali da jede so i da izjavu koju su prethodno pripremili, a u donjem vešu je vraćen u prostoriju bez prozora i svjetlosti za privremeno lagerovanje mesnih proizvoda u hladnjači, čije obezbeđenje je vršilo Ahmetbašić kao stražar naoružan i odjeven u policijsku uniformu i raspolagao je ključevima od prostorije gdje se nalazio zatvoren veći broj lica srpske nacionalnosti, a T. je zadržan do 29 juna 1992 godine, i u toku njegovog boravka u logoru, nakon što bi Ahmetbašić otključao prostoriju, više puta su R.S., R.H., L.V. i S.N. ulazili u prostoriju tukli ga i zlostavljali, a kad bi završili sa zlostavljanjem Ahmetbašić bi zaključavao prostoriju,

11. nakon što su 22.06.1992. godine S.B., S.M., Š.M., S. B., kao pripadnici Vojske Republike Srpske zarobljeni u naselju Ivici u Brčkom sprovedeni su u logor Okrajci i zatvoreni u kancelariju sa rešetkama u logoru Okrajci, čije obezbeđenje je vršio Ahmetbašić kao stražar naoružan i odjeven u policijsku uniformu i raspolagao je ključevima od te prostorije, a čim su zatvoreni, došli su S.R., R. H. i S. N. i počeli ih ispitivati udarajući ih rukama, pesnicama, nogama po raznim dijelovima tijela usled čega je B. više puta gubio svijest, S.R. je M. nogom udarao u predelu vilice, glave i ramena i oborio ga, a kad se B. počeo braniti S. R. je doneo drvenu motku i motkom udarao B. po glavi dok se motka nije slomila, a usled toga se B. desno oko zatvorilo i krv je šiknula, a u toku noći nakon što bi Ahmetbašić otključao prostoriju odvedeni su u prostoriju za ispitivanje gdje ih je ispitivao H.G. u prisustvu S.R., R.H. i S.N. a u toku ispitivanja udarali su ih rukama, pesnicama, nogama po raznim dijelovima tijela, usled čega su gubili svijest a posle ispitivanja Š.M. dok su vezanog vraćali nastavili su tući i kad je od udaraca pao na zemlju, bio je tako premlaćen da nije mogao ustati i dok se nalazio u ležećem položaju jedno lice je po njemu izvršilo malu nuždu psujući ga i potom su ga zatvorili u prostoriju za privremeno lagerovanje mesnih proizvoda u hladnjači gdje se nalazio veći broj zatvorenih lica srpske

nacionalnosti, a S.B. su u besvjesnom stanju vratili i zatvorili ga u istu prostoriju sa M. čije obezbeđenje je takođe vršio Ahmetbašić, a S. B. i S. M. vratili su u kancelariju sa rešetkama, u logoru zadržani su do 29 juna 1992 godine, a u toku boravka u logoru M. je još jednom a B. još dva puta izvođen na ispitivanje i uvijek su tokom ispitivanja zlostavljani, a skoro svakodnevno više puta tokom dana i noći, nakon što bi Ahmetbašić otključao prostoriju u kojoj su se nalazili M. i B. ulazila su uniformisana lica i tukla ih, a kad bi završili sa zlostavljanjem Ahmetbašić bi zaključavao prostoriju,

12. nakon što su posle ispitivanja S.M. i S.B. vraćeni i zatvoreni u kancelariju sa rešetkama u logoru Okrajci, čije obezbeđenje je vršio Ahmetbašić kao stražar naoružan i odjeven u policijsku uniformu i raspolagao je ključevima od te prostorije, u više navrata do 29 06 1992 godine, nakon što bi Ahmetbašić otključao prostoriju, S.R. u različito doba dana i noći ulazio je u prostoriju i zlostavljao M. i B. a jedne prilike je B. palio plinskim upaljačem podlaktice usled čega su se pojavili plikovi, i kad bi završio sa zlostavljanjem Ahmetbašić je zaključavao prostoriju,

II) Sam:

1. nakon što je zarobljen S.B., prvog dana Ahmetbašić ga je izveo na ispitivanje i tokom vođenja do prostorije gdje je vršeno ispitivanje i vraćanja u prostoriju u kojoj je bio zatvoren, Ahmetbašić ga je udarao gumenom policijskom palicom po ramenima, glavi i ostalim dijelovima tijela nanoseći mu neizdržive bolove s obzirom da je prije zarobljavanja bio ranjen u predjelu glave a u cilju zastrašivanja iznad glave S.B. ispalio je jedan hitac iz pištolja, govoreći "jebite mu mater, zakopajte ga",

2. neutvrđenog dana u mjesecu junu izveo je S.B. i S.M. i odvezao ih vezane na određenu lokaciju da iskopavaju neeksplozirane granate, pa u toku otkopavanja granata u više navrata je palicom tukao S. i S. po raznim dijelovima tijela a najviše u predjelu glave i ramena, usled čega se S. pojavio otok na vratu,

3. dok su bili zatvoreni S. i S., Ahmetbašić je više puta ulazio u prostoriju i psihički ih zlostavljao na način da su ga morali pozdravljati muslimanskim pozdravom "Merhaba" i "Alaj himanet" a potom ih tjerao da pjevaju pjesmu o Juri i Bobanu, da navodno telefoniraju Miloševiću i da mu psuju majku, da mu govore da će svi Srbi biti poklani i da će muslimani preći Drinu, da zavijaju kao vukovi, što su oni i činili,

4. dana 28.06.1992. godine na srpski praznik Vidovdan, u više navrate zlostavljao je S. i S. na način da ih je tog dana udarao kao nikad do tada,

zbog čega su gubili svijest a u više navrata istog dana otključao je prostoriju u kojoj su bili zatvoreni i omogućio drugim NN licima da zlostavljaju S. i S.,

III) Zajedno sa više NN lica:

1. drugog dana nakon zarobljavanja Ahmetbašić je izveo S. i proveo ga vezanog kroz špalir koji su napravila uniformisana NN lica i koja su ga tukla po raznim dijelovima tijela kao i u predjelu ispod desne plečke gdje je imao zadobijenu ranu od projektila prilikom zarobljavanja, a neutvrđenog dana, nakon što je Ahmetbašić otključao prostoriju, više NN lica natjerali su S. i S. da međusobno vrše bludne radnje na način da jedan drugog oralno zadovoljavaju, a nakon zlostavljanja Ahmetbašić je zaključao prostoriju,

dakle, kršeći pravila međunarodnog prava za vrijeme oružanog sukoba sam ili kao saučesnik prema civilnom stanovništvu vršio mučenje, nečovječno postupao, nanosio velike patnje i povredu tjelesnog integriteta i zdravlja, (tačka I- 1; 2; 3; 4; 5; 6; 8 i 9) i kršeći pravila međunarodnog prava za vrijeme rata i oružanog sukoba sam ili kao saučesnik prema ratnim zarobljenicima vršio mučenje, nečovječno postupao, nanosio velike patnje i povrede tjelesnog integriteta i zdravlja (tačka I- 7; 10; 11 i 12 i tačka II- 1; 2; 3 i 4 i tačka III-1).

čime bi:

učinio krivično djelo - Ratni zločin protiv civilnog stanovništva
čl. 142. u vezi sa čl 22 KZ SFRJ (tačka I- 1; 2; 3; 4; 5; 6; 8 i 9) i
krivično djelo - Ratni zločin protiv ratnih zarobljenika čl. 144. KZ
SFRJ (tačka I- 7; 10; 11 i 12 i tačka II- 1; 2; 3 i 4 i tačka III-1 i 2).
